

四庫全書

史部

欽定四庫全書

行水金鑑卷七十三

江南按察使傅澤洪撰

漢水

沔水中有魚梁洲

經水

龐德公所居士元居漢之陰在南白沙世故謂是地
為白沙曲矣司馬德操宅洲之陽望衡對宇歡情自
接泛舟褰裳率爾休暘豈待還桂柁於千里貢深心

於永思哉水南有層臺號曰景升臺蓋劉表治襄陽之所築也言表盛游於此表性好鷹嘗登此臺歌野鷹來曲其聲韵似益達上堵吟矣

酈注

又逕桃林亭東

經水

又逕峴山東羊祜之鎮襄陽也嘗登之及祜薨後人立碑於故處望者悲感杜元凱謂之墮淚碑

酈注
桃林亭

在襄陽縣東南山在縣南七里亦曰峴首

又東南逕蔡洲

經水

漢長水校尉蔡瑁居之故名蔡洲侍中襄陽侯習郁
依范蠡養魚法作大陂池中起釣臺東北二邊限
以高隄楸竹夾植蓮芡覆水是游宴之名處也山季
倫鎮襄陽每臨此池未嘗不大醉而還恒言此是我

高陽池其水下入沔

注

又東南逕邑城北

水經

習郁襄陽侯之封邑也故曰邑城矣

酈注

又東合洞口

水經

水出安昌縣故城東北太父山西南流謂之白水水

北有白水陂有漢光武故宅所謂白水鄉也

鄺注
安昌本

漢春陵縣後漢曰章陵魏
更名安昌在今棗陽縣界

又東過中廬縣東淮水自房陵縣淮山東流注之水

經水

縣即春秋廬戎之國也縣故城南有水出西山山有

石穴出馬謂之馬穴山

鄺注 今南漳縣
東有中廬故城

又東南逕黎丘故城西

經水

建武四年朱祐自觀城圍秦豐於黎丘是也

鄺注
光武紀

注云黎丘故城在今襄州率道縣北率道後改為宜城

又南過卽縣東北

水經元和志宜城本漢卽縣城東臨漢江古諺曰卽無東言東逼漢江

其地短促也

又南得木里水會

水經

楚時於宜城東穿渠上口去城三里漢南郡太守王寵又鑿之引蠻水灌田謂之木里溝逕宜城東而東

北入於沔

注

又南過宜城縣東夷水出自房陵東流注之

水經

夷水蠻水也桓温父名彝改曰蠻水夷水導源中廬縣界康狼山山與荆山相隣其水東南流歷宜城西山謂之夷谿又東歷宜城西山謂之深谿東流合於夷水謂之深口也與夷水亂流東出謂之淇水夷水又東注於沔昔白起攻楚引西山谷水即是水也水從城西灌城東入注為淵今熨斗陂是也水潰城東北角百姓隨水流死於城東者數十萬城東皆臭因名其陂為臭池臭池溉田陂水散流又入朱湖陂朱

湖陂亦下灌諸田餘水又下入木里溝木里溝故渠引鄆水也灌田七百頃白起渠溉三千頃膏良肥美

更為沃壤也

鄆注元和志漢水在宜城縣東九里

又逕郟縣故城南

經水

古郟子之國也楚昭王都之所謂鄆郟盧羅之地也

秦以為縣

鄆注故城在宜城縣東南

又東敖水注之

經水

水出新市縣東北又西南流注於河實曰敖口又南

逕石城西

酈注 新市縣即今京山縣境石城即今安陸府治漢水自宜城南流百七十里至

府濁流鬻決最為可虞明嘉靖未下滯上地漂溺不可勝計

又東南與白水合

水經

水出竟陵縣東北耶屈山西流注於沔魯定公四年吳師入郢昭王奔隨濟於成白謂是水也又東過荆

城東

酈注 竟陵縣即今景陵縣

自荆城東南流逕當陽縣之章山東

水經

禹貢所謂內方山至於大別者也既濱帶沔流寔會

尚書之文矣

荆門注 在今
荆門州東北

又東右會權口

水經

水出章山東南流逕權城北古之權國也權水又東

入於沔

荆門注 荆門州
東南有權城

又東南與陽口合

水經

水上承江陵縣赤湖逕郢城南東北流謂之楊水又
東北流白湖水注之又東北流得東赤湖水口又東
入華容縣又北逕竟陵縣西又北注於沔謂之楊口

中夏口也沔水又東得澹口其水承大澹馬骨諸湖水周三四百里及其夏水來同渺若滄海洪濤巨浪縈連江河故郭景純江賦云其傍則有珠澹丹灤是

也

灤注 陽水即楊水漢志漳水東至江陵入陽水陽水入沔是為陽口古之漳澹也

又東南逕江夏雲杜縣中夏水從西來注之

水經

即堵口也為中夏水縣故邛亭禹貢所謂雲上夢作

又故縣取名焉縣有雲夢城城在東北

灤注 通典復州沔陽縣

有漢雲杜縣故城在縣西北有夏水沔水今沔陽州南長夏河即夏水也自監利縣流徑州南四十里與

潛江縣分水又東北注於漢堵口今失其處蓋為水所湮也漢水在州北一百里自潛江流入與景陵分

水又東入漢川縣界

又東逕左桑

經水

昔周昭王南征渡沔中流而沒百姓佐王喪事故曰

佐喪左桑字失體耳

注

又東合巨亮水口

經水

水北承亮河南達於沔

注

又東得合驛口又東謂之橫桑又東謂之鄭潭又東得

死沔

經水

言昭王濟自是死沔王尸豈逆流乎但千古芒昧難

以昭知推其事類似是而非矣

注

又東與力口合

經水

有滉水出竟陵郡新陽縣西南河地山又東南流注

宵城南又南入於沔水是曰力口

今景陵縣東南

又東南瀕水入焉

經水

沔水又東逕沌水口水南通縣之太白湖湖水東南

通江又謂之沌口

酈注 元志 安陸縣涓水故清發水也 西北自隨縣流入注於沔

今在漢陽縣西北

又東逕沌陽縣北

經水

處沌水之陽也又東逕林鄣故城北

酈注 今漢陽縣西臨嶂山下

有沌陽廢縣林鄣故城在臨嶂山上

又南至江夏沙羨縣北南入於江水

經水

庾仲邕曰夏口一曰沔口矣禹貢曰漢水南至大別

入江左傳定公四年吳師伐郢楚子常濟漢而陳自

小別至於大別京相璠春秋土地名曰大別漢東山
名在安豐縣南杜預釋地曰二別近漢之名無緣乃
在安豐也案地說言漢水東行觸大別之陂南與江

合則與尚書杜預相符但今不知所是矣

鄴注漢陽縣本漢

沙羨縣地後漢末嘗為沙羨縣治東晉置沌陽縣齊廢隋改置漢陽唐沔州治宋為漢陽軍江水在城東南漢水在城北三里元和志漢陽縣漢水一名沔水西自沔川縣界流入漢口在縣東亦曰夏口左傳謂之夏沔章懷太子注後漢書云漢水始欲出大江為夏口又為沔口實在江北孫權於江南築城名為夏口而夏口之名移於江南沔水入江之口止謂之沔口或謂漢口夏口之名遂與漢口對立分據江之南

北矣

以今輿地言之漢水自均州北又東南逕光化縣西

南

光化襄陽府西北一百八十里水去縣十五里

又東南逕穀城縣東北

穀城

在府西北一百二十里水去縣二十五里

又東南逕襄陽縣北

縣為襄陽府治東南

三十里漢水中有龍尾洲縣志云漢水重濁與大河相似襄陽實當其衝為害最劇自唐以來皆築隄遠

城以防潰決

又東南逕宜城縣東

宜城府東南一百二十里水去縣四里

又

南逕鍾祥縣西

鍾祥為安陸府治

又南逕荊門州東

荊門府西九十里

里水去州一百二十里

又東南逕京山縣西南

京山府東一百五十里 又

東逕潛江縣北

潛江府南少東二百
十里水去縣二十里

又東逕景陵縣

南

景陵府東南二百
里水去縣五十里

又東逕沔陽州北

沔陽府西
少東三百

三十里水去縣一百里州志云漢水由荆門州界折
而東大小葦川成匯馮勢感流濁浸淫盪決為患無

已而潛江地居汙下遂為衆水之壑一望瀰漫無復
涯際漢水經其間重湖浩渺經流支川不可辨也蓋

漢水為湖北之害而襄郢二州為甚潛江又承襄郢
之委流當漢江曲折迴合之處潛為大澤勢不能免

矣而景陵沔陽又潛江之委流也今沔陽四境唯湖
陂連亘幾數百里皆為漢水所匯蓋漢水性曲往往

十里九灣語曰勁莫如濟曲莫如漢郢沔之間波流
迴盪自必豬為藪澤小民見填淤之利復從而隄防

之為民牧者又不講於節宣之宜疏濬之理歲月之
間苟幸無事大水時至則委之洪濤中耳童承叙曰

漢水至濁與江湖水合其流必澄故常填淤而沮澤之區因成沃壤民漸芟別壑為阡陌又因其地之高下修隄防以障之大者廣輪數十里小者十餘里謂之曰垸其不可隄者悉棄為萊蕪昔時垸必有長統丁夫主修葺其後法久弊滋修不以時垸愈多水愈迫容堤愈高主堤愈卑故水至不得寬緩湍怒迅激勢必衝齧主隄先受其害客堤隨之泛濫洶湧悉為巨浸矣

又東逕漢陽縣北

漢陽府治水去縣三里

又東至大別山折而南是為漢口經所

謂過三滢至大別南入於江者也

隄防考云舊時漢水從黃金口八排

沙口東北折抱牯牛洲至鷺公口又西南轉北至郭師口對岸曰襄河口約長四十里然後下漢口成化初忽於排沙口下郭師口上直通一道約長十里漢水徑從此下而故道遂淤今魚利畧存不通舟楫俗

呼為襄河以上流自襄陽來也按漢水本東行觸大別之陂而南回入江今則自郭師口以上決而東逕

大別山後入江非復古之夏洄矣

漢志云東漢水一名沔過江夏謂

之夏水入江又云沮水南至沙羨南入江過郡五

武都

漢中南陽南郡江夏行四千里蓋曲莫如漢故其所行有若是

之遠也

禹貢錐指

東匯澤為彭蠡

禹貢

匯迴也水東迴為彭蠡大澤

孔氏傳

彭蠡今鄱陽湖也納江西饒信州諸水自南康軍星

子縣東北至湖口縣入江

書古文解

彭蠡在今江西南昌府城東北一百五

十里饒州府城西四十里南康府城東五里九江府城東九十里周迴四百五十里浸四州之境

彭蠡之為澤寔在大江之南然以地勢北高而南下

故其入於江也反為江水所遏而不得遂因却而自

潴以為是瀰漫數十百里之大澤

朱子全書

江漢之水相合而其流浸大於是東流於彭蠡大澤水既鍾於彭蠡則有所迴旋曲折不至於泛溢漂悍以衝突下流之勢故東為北江入於海也蓋先為之

滙而後為之歸也

尚書解

叙漢江皆言東者主岷嶓居西而云非指曲折為文

也

黃潤玉書解

三江相會而南不能以敵中北西來之勢故中北過南而南相與迴旋而為一大澤者其來久矣今禹本其所由有澤之因故歸之於漾而為之言曰東滙澤為彭蠡而於江亦曰會於滙耳其實彭蠡一澤三江之水為之也說者未有發明此義

禹貢集解

江漢二水勢均力敵皆能自達於海者也故禹貢雖紀其合流仍各見其首尾紀其合流故於漢水言南入於江江漢朝宗於海各見其首尾故於漢水言東滙澤為彭蠡東為北江入於海於江水則言東迤北會為滙東為中江入於海彭蠡固江漢之所滙者也今春月江水暴漲則滙而入湖蓋江流浩渺而其下束以小孤山水道狹甚其勢不得不逆流而入此澤故有發舟湖口無風而一夕達鄱陽之安仁者問

其故乃舟乘逆流行甚迅速猶隨潮而上者也故江水之滙衆所共知今乃疑之顧弗深考耳且謂漢自大別入江合流已七百餘里安能復識其滙澤者為漢水邪亦可謂膠固之甚者矣夫單敘漢水源流則其勢不得不以漢水為主但既云南入江則東滙澤為彭蠡即江漢共滙可知矣不成曰南入於江東與江共滙澤為彭蠡然後為明白耶又謂彭蠡在大江之南當曰南滙不當曰東滙滙既在南則當曰北為

北江不當曰東為北江其論南北反戾幾為可笑蓋
江漢兩水皆發源西蜀而東流入海獨漢水到大別
入江則折而南流與江相合仍舊東流而滙為彭蠡
又東流為北江以入海其東西南北以天下大勢論
不主一江南北而言也今若欲改云南滙彭蠡則是
南流入江之後又南滙彭蠡則漢水當逆流向洞庭
矣滙澤之後不云東為北江而云北為北江則漢水

又當決破安慶橫入淮河矣

王充耘讀
書管見

贛水出豫章南野縣西北過贛縣東

經水

山海經曰贛水出聶都山東北流注於江入彭澤西也班固稱南野縣彭水所發東入湖漢水庾仲初謂大庾嶠水北入豫章注於江者也地理志曰豫章水出贛縣西南而北入江蓋控引衆流總成一川雖稱謂有殊言歸一水矣故後漢郡國志曰贛有豫章水雷次宗云似因此水為其地名雖十川均流而此源最遠故獨受名焉豫章水導源東北流逕南野縣北

贛川石岨水急行難傾波委注六十餘里逕贛縣東
右會湖漢水水出雩都縣西北流逕金雞石又西北

逕贛縣東西入豫章水

鄴注

今按次宗豫章記十

循也北源謂贛水也贛即豫章湖漢牽即南水濁當
作蜀循當作修塗源則漢志所無鄴元悉從雷記聶

都山在南安府崇義縣西南六十里王象之曰章水
所經非所出也府志云章水出湖廣郴州南三十六

里黃岑山自宜章縣流入崇義縣界經聶都山漢志
謂之彭水是知彭豫章實一水在南壁為彭行至贛

為豫章猶禹貢嶠冢導漾東流為漢導沅水東流為
濟隨地而異名也劉澄之云贛縣東南有章水西有

貢水縣治二水之間二水合贛字因以名縣鄴元非
之然近世皆宗其說以豫章為章水湖漢為貢水二

水合流自縣至萬安縣凡十八灘
唯黃公灘最險俗誤稱惶恐灘

又西北過廬陵縣西

經水

十三州志稱廬水西出長沙安成縣吳寶鼎中立以

為安城郡東至廬陵入湖漢水也

鄴注此漢廬陵縣也故城在今吉

安府秦和縣北三十里

又東北過石陽縣西

經水

漢和帝永平九年分廬陵立漢獻帝初平二年吳長

沙桓王立廬陵郡治此豫章水又逕其郡南

鄴注今廬陵

縣北六十里
有石陽故城

又東北過漢平縣南又東北過新淦縣西

經水

牽水西出宜春縣東逕吳平縣又東逕新淦縣而注
于豫章水湖漢及贛並通稱也又淦水出其縣下注

于贛水

鄴注
入湖漢

漢志新淦縣注應劭曰淦水所出西
師古曰淦音紺又古含反今臨江府

清江縣東六十里有新淦故城漢平縣即今新淦
縣宜春縣即今袁州府治吳平縣即今新淦縣

又北過南昌縣西

經水

盱水出南城縣西北流逕南昌縣南西注贛水又有

濁水注之水出康樂縣故陽樂也濁水又東逕望蔡縣建成縣又東至南昌縣東流入於贛水贛水又北逕南昌縣城西秦以為廬江南部漢高祖六年始命灌嬰以為豫章郡治此王莽更名縣曰宜善郡曰九江焉劉歆云湖漢等九水入彭蠡故言九江矣建安中更名西安晉又名為豫章城之南門曰松陽門門內有樟樹高七丈五尺大二十五圍枝葉扶蘇垂蔭數畝漢官儀曰豫章郡樹生庭中故以名郡矣贛水

又逕郡北為津步水之西岸有盤石謂之石頭津步之處也西行二十里曰散原山北五六里有風雨池東太湖十里二百二十六步北與城齊南緣迴折至南塘水通大江增減與江水同漢永元中太守張躬築塘以通南路無遏此水冬夏不增減水至清深魚甚肥美每於夏月江水溢塘而過民居多被水害宋景平元年太守蔡君西起隄開塘為水門水盛則閉之內多則洩之自是居民少患矣又北逕龍沙西沙

甚潔白高峻而阨有龍形連亘五里中舊俗九月九日升高處也又北逕椒丘城下又北逕鄆陽縣餘水注之水東出餘汗縣餘水北至鄆陽縣注贛水贛水又與鄱水合水出鄱陽縣東西逕其縣南又西注於贛又有僚水入焉其水導源建昌縣又經海昏縣謂之上僚水又謂之海昏江分為二水縣東津上有亭為津渡之要其水東北逕昌邑而東出豫章大江謂之慨口其一水枝分別注入於循水也

鄆注 今瑞州府新昌縣

東有康樂故城本漢建成縣地今鄱陽縣西北一百二十里有鄱陽故城鄱音口亮反今南康府建昌縣西六十里有昌邑城豫章大江謂贛水非潯陽江也南昌即今南昌府治餘汗縣即今餘干縣海昏縣今

奉新武寧
二縣境

又北過彭澤縣西

水經

循水出艾縣東北逕永循縣又東北注贛水其水總

納十川同湊一瀆俱注於彭蠡也

酈注彭澤即今彭澤艾縣即今寧

縣西境今南康府安義縣西南四十里有永循廢縣漢志循水東北至彭澤入湖漢行六百六十里

北入於江

水經

大江南贛水總納洪流東西四十里而清潭遠漲綠

波凝淨而會注於江川

鄰注

以今輿地言之贛水自湖廣郴州宜章縣流入江西

崇義縣界歷上猶南康

並屬南安府

贛縣

贛州府治

萬安泰和

廬陵吉水永豐

並屬吉安府

峽江新淦清江

並屬臨江府

豐城

至南昌入彭蠡湖

並屬南昌府

又北歷星子都昌

並屬南昌府

德化湖口

並屬九江府

注于大江春夏時彭蠡浩蕩無涯

及乎霜降水涸則贛川如帶而已此水自昔有南江

之稱鄭康成說三江云右會彭蠡為南江南史王僧
辯傳陳霸先自嶺南起兵討侯景出南江行至湓口
胡三省云贛水謂之南江唐張九齡都督洪州有望
南江入始興郡路詩又自豫章南還江上作云歸去
南江水磷磷見底清豫章水之為南江其來已久非

宋人臆說也

禹貢
錐指

沔水與江合流又東過彭蠡澤水

經

尚書禹貢滙澤也漢與江關轉東成其澤矣

注

又東北出居巢縣南

經水

古巢國也江水自濡須口又東左會柵口水遵巢湖
東逕烏上城北又東逕附農山北又東左會清谿水
又東左會白石山水又東南積而為竇湖湖水東出
謂之竇湖口柵水又東南逕高江產城又北委折蒲
浦出焉柵水又東南流注於大江謂之柵口水

秦注

置居巢縣即今廬州府
之無為州巢縣界也

又東過牛渚縣南又東至石城縣

經水

經所謂石城縣者即宣城郡之石城縣也牛渚在姑

熟烏江兩縣界中也于石城東北減五百許里安得

逕牛渚而方界石城也蓋經之謬誤也

鄰注 漢置石城縣今江

南池州府貴池縣是也姑熟今太平府當塗縣烏江在今和州蓋江水先經無為州然後至和州境也水

經此後一往多誤故置不錄

東為北江入於海禹貢

自湖口以東江匯固同流矣而有北江中江之號者

以今江西言之謂之北江荆揚言之為中江也大江

過湖口東行至通州海門縣入海尚數千里禹貢止

于滙者揚州無江患也

書古
文訓

漢既入江與江混為一水而又曰東為北江入於海
有似別為一水然何也蓋漢水源遠流大可亞於江
兩相匹配其他小水入大水之例不同故於荊州言
朝宗於海必以江漢並稱蓋曰江之入海非獨江水
實兼漢水江固為江漢亦為江也故漢得分江之名
而為北江記其入海者著其為瀆也三瀆皆自為一

瀆惟江與漢共為一瀆尊水九條始之以三水終之
以二水而中間記四瀆其一河一瀆也其二漢與江
一瀆也其三濟瀆其四淮瀆河瀆非無他水入之然
皆小水入大水故河得以大并小而專為瀆江漢勢
體均敵二水合流所以如此其大不以漢附於江而
泯其入海之實故於漢於江並言入海而同為瀆也
若漢不為瀆則東為北江入於海七字行文而其序

當殿尊洛之後矣

書纂
言

禹貢於嶓冢尊漾之下則曰南入於江東滙澤為彭
蠡東為北江入於海於岷山尊江之下則曰東迤北
會為滙東為中江入於海此二條者朱子及九峯蔡
氏皆以彭蠡乃江西諸水所潴固無仰於江漢之所
滙而江漢二水並持東下又不見所謂北江中江者
孰是以疑經之誤其說甚備愚嘗親歷其地細觀其
說而以經文証之乃知經文無誤二先生之說皆過
論也夫滙本訓迴乃下流泛溢他水勢不能洩於是

迴旋渟蓄潴而為澤之謂也今春夏之間江漢水漲則彭蠡之水鬱不得流而逆注倒積潴為巨浸茫然數百餘里無復畔岸其滙為澤蓋如此雖無仰於江漢之所入然是因其下流物故湖水壅閼沮抑而不能出方能成其澤爾非謂江漢之水截入澤內而為滙也若其截入為澤則但如他條曰至曰入可也何必變文言滙哉此東滙澤為彭蠡東迤北會為滙本無誤矣漢水不言會者為江水所隔與彭蠡不相接

也江水不言彭蠡者與漢互見也逮夫二水漸消則彭蠡之水溢出大江循南岸而行與二水頡頏趨海所謂其北則江漢之濁流其南則鄱陽是矣第江水濬發最在上流其次則漢水自北岸而入又其次則彭蠡之水自南岸而入三水並持東下則江為中江漢為北江而彭蠡之水入江並流為南江者不言可知非謂分支各派判然殊途為二江也此東為北江東為中江入於海亦無誤也而理明義精如我朱子

九峯又其高第乃皆不能無疑於斯何與况經文簡
奧其言南入於江東匯為澤蓋亦無遠不包而曰南
曰東與今水道屈折迤邐勢正相符今却又云經文
自有謬處與今水道全然不合不可強解此不可曉
也又按江水自東陵而下漢水自漢陽而下其勢皆
漸趨東北湖口為江漢所匯之處正在東陵漢陽東
北與經文亦合今却又云於漢水則宜改曰南匯彭
蠡於導江則宜改曰南會於匯此又不可曉也若夫

所謂橫截南入於鄱陽又橫截而北流為九江又謂至此而後一先一後以入於彭蠡既滙之後又復循次而出以為二江此自說者之誤非經文之誤也蓋經意以為漢雖入江而自循北岸以達於海不可泯滅故有東滙北江入海之文朱子偶未之思以為二水既合則有江無漢故既疑其誤而復有取於鄭樵之說以為東滙澤為彭蠡東為北江入於海二句宜衍蔡氏篤信朱子不復別求其說遂再立論以疑經

皆非也或曰南之有江猶北之有河皆大水也然渭水洛水皆入於河不言中河北河安知中江北江之說不為誤乎是不然河源遠出閼磨黎山自積石龍門而下氣勢雄猛流波洶洽而洛渭二水近出烏鼠同穴熊耳諸山不數百里遂達於河幾不能見安得與河為敵若夫江源出於嶓冢既不相遠而其通流之地大小雖殊終不相揜則漢雖入江猶得各紀其為滙為江入海之實夫豈過乎河可以包渭洛而江

不得以包漢故於兗州則曰九河既道不兼渭洛而
言荊州則曰江漢朝宗於海對舉二水而並言之禹
貢之立義精矣嗚呼經賴真儒而明禹貢有朱子及
蔡氏者為之辨析其義猶晦信乎說難矣

張吉禹貢
疑誤辨

漢既入江所行與江同道故於尊江下釋之

禹貢
雖指

行水金鑑卷七十三

欽定四庫全書

行水金鑑卷七十四

江南按察使傅澤洪撰

江水

岷山導江東別為沱禹貢

岷山江所出在梁州沱江別名孔氏傳

漢地理志云南郡支江縣江沱在西此荊州之沱也
蜀郡郫縣江沱在西此梁州之沱也蓋自江水溢出

別為支派者皆名為沱故梁荆二州皆有沱也此言東別為沱接於岷山導江之下則自江水始出而別流者也意其指梁州之沱也

尚書全解

易氏曰岷山漢志在蜀郡湔氐道西徼外考唐志岷山近在茂州而江源遠出西徼松州交川縣古西羌地江源鎮在縣西北三十里江南流二百四十里至冀州冀水縣二百步又六十里至茂州汶山縣汶山即岷山禹導江始此又經蜀州之青城縣彭州之導

江縣後以二縣治永康軍又三百七十里至成都縣

南七里縣有沱江鎮以沱水名即東別為沱者也

書

言 四川總志成成都縣附郭沱江一在新繁治西北

一十五里源出岷江禹貢岷山導江東別為沱即此

一在灌縣南一十五里俱流入府界

舊說江出岷山在今茂州汶山縣發源不一而亦甚

微水經注曰其源若甕口可以濫觴四川總志曰岷

山在茂羌之列鷲村一名鴻濛即隴山之南首故稱

隴蜀又名沃焦山江水所出水利志曰蜀諸水咸出

岷江江源在羌地之列葛村名羊膊嶺者分為二派
一西南流為大渡河一正南入溢村至石紐過汶川
歷今灌縣境又有湍水出焉灌之上流西北十數里
有水出尤溪口又數十里有水出白沙口同會於灌
經灌西南流者為之南江即禹所導岷江正流江源
志曰岷江發源於臨洮之木塔山山頂分東西流由
甘松嶺八百里至漳臘其水漸大復經鑛刀灣達松
潘於下水關入紅花屯達壘溪至穆肅堡黑水從南

合之入深溝經茂州南至於威汶轉銀嶺合草坡河
至蠶巖入灌口分道而下由威至玉壘山為玉輪江
至汶為皂江至灌為沫江一云沱河發源岷山北流
入陝為臨沱府南入川為大川之祖范成大曰江源
自西戎中來由岷山澗壑出而會於都江世云江出
岷山者自中國所見言之也陸游曰常登蟠冢之山
有泉涓涓出山間是為漢水之源事與經合及西游
岷山欲窮江源而不可得蓋自蜀境之西大川廣谷

豁研起復西南走蠻箐中皆岷山也則江所從來尤
荒遠難知履按雲南志謂金沙江之源出於吐蕃之
犁石南流漸廣至於武定之金沙巡司經麗江鶴慶
又東過四川之會州建昌等衛以達於馬湖敘南然
後合於大江趨於荆吳又緬甸宣慰司志謂其地勢
廣衍有金沙江闊五里水勢甚盛緬人恃以為險其
源之遠且大也明矣何為言江源者止於岷山耶蓋
江出犁石即崑崙之南河出朶甘思即崑崙之西二

源實前人所未詳也

方中履古今釋疑

川西自岷峨北流為沱入黃河南流入川為大江此
知岷峨總是一山只橫障西南二處為異耳今江水
果隨岷峨至嘉眉直下中間如雋州之大渡沫水夾
江之青衣犍為之漢水無不湊集至嘉定為一都聚
合之禹貢岷山導江一語地勢愜合

蔣鳴玉漢水記考

岷山廣遠江水所出必有定處近世無能窮其源者
隋經籍志有尋江源記一卷今不傳未知其說云何

據漢志言江水出湔氐道西徼外則當以酈注所引益州記為正自晉以下說江源者皆云出羊膊嶺與益州記同羊膊嶺一名鐵豹嶺按益州記江水發源自羊膊嶺東南下二百餘里至西陵又南下二百四十里至汶山故郡即今茂州是也然則江源在茂州之西北去州四百四十餘里亦可謂遠矣而范至能陸務觀乃云江源出西戎不可窮極蓋以唐人言江源自松州甘松嶺始

元和志松州治嘉成縣南至翼州一百八十里甘松嶺在縣西

南十五里交川縣北至州三十里而當時又有謂羊膊
四里江源鎮在縣西北三十里

嶺在茂州列鷲村者其地太近故為是說非謂江源
更在羊膊之外也近志引江源記云岷江發源於臨
洮木塢山山頂分東西流南流八百里經甘松嶺又
南經漳臘堡西其水漸大復經鑣刀灣達松潘下水
關臨洮今陝西洮州衛也在松潘之東北江源果發
此則又自東北而來與氐道西徼外之岷山相去懸
絕為此說者蓋因隋志云岷山在臨洮郡臨洮縣括

地志云岷山在岷州溢樂縣見有一水自木塔山來入江者遂以為江水發源彼中明與漢志相背無稽之言不可從也 古今言岷山者凡四處一在今四川松潘衛衛東南去布政司七百六十里史記作汶山封禪書云自華以西名山七有瀆山蜀之汶山也漢書地理志云岷山在湍氐道西徼外江水所出蜀志秦宓曰蜀有汶阜之山江出其腹華陽國志云岷山一名沃焦山其跗曰羊膊江水所出任豫益州記

云大江泉源始發羊膊嶺下東南下百餘里至白馬

嶺而歷天彭關水經注云岷山在蜀郡氐道縣即瀆

山也又謂汶阜山在徼外江水所導隋志汶山在汶

山郡左封縣

唐悉州治東至翼州一百九十里今疊溪營西有廢翼州

此皆謂在

松潘者也一在今成都府之茂州州本冉駝國漢以

其地置汶山郡治汶江縣晉改曰廣陽隋又改曰汶

山山海經注云岷山在廣陽縣水經注云汶水出汶

江道徼外嶠山玉輪坂下元和志云汶山縣有汶山

即岷山去青城山百里天色清明望見成都即隴山之南首張栻西岳碑云岷山在茂州列驛村其跗曰羊膊也輿地廣記云岷山在汶山縣西北俗謂之鐵豹嶺王氏地理通釋云大渡河一名羊山江源出鐵豹嶺嶺即羊膊之異名也此皆謂在茂州者也一在成都府之灌縣縣本漢緜虎郫江原三縣地周武帝分江源置青城縣因山為名元和志云青城山在蜀州青城縣西北三十二里杜光庭成都記云岷山連

峯接岫千里不絕灌縣青城山乃其第一峯也縣志云汶山在縣北三十里蓋即青城矣一在今陝西岷州衛衛本漢隴西郡地西魏置溢樂縣今衛治即其故城括地志云岷山在岷州溢樂縣南連緜至蜀幾二千里皆名岷山元和志云山在溢樂縣南一里此皆謂在岷州衛者也然則岷山最大志家各就其所而言之陸游曰自蜀郡之西大山廣谷豁砑起伏西南走蠻箐中皆岷山也薛季宣曰今自岷洮松疊以

南其大山峻嶺班班可考者皆岷山之隨地立名者耳此說是也觀漢志云山在徼外則固不可以蒯氐一縣限之矣大抵岷山北起于溢樂實跨古雍州之境而南則訖于青城縣地千餘里與太行伯仲或專指在松潘亦非篤論然大江所出則必直氐道西徼外者也沱謂梁之郫江荆之夷水也東別為沱者謂江水東流而別為沱以大勢言之江自梁而荆皆東也傳云江東南流沱東行非是正義云以上云浮於

江沱潛漢其次自南而北江在沱南知江東南流而沱東行是專以荊州之沱釋傳也蔡傳云沱江之別流於梁者則又遺却荊州之沱東至於澧相去不太

闊絕乎唯林氏蕪二州言之確不可易

禹貢雖指梁州之沱

雅音義云沱水自蜀郡都安縣前山與江別而東流地理志禹貢江沱在蜀郡郫縣西東入大江此即今之郫江爾雅所謂沱也今成都府灌縣東有都安故城詩召南曰江有沱荊州之沱也一在江北寰宇記江自枝江縣百里洲首受別北為內江者是一在江南水經注夷水出魚復縣江至夷道縣北東入江者是今湖廣荊州府宜都縣西有夷道故城

岷山在蜀郡氐道縣大江所出東南過其縣北水經

岷山即瀆山也水曰瀆水矣益州記曰大江泉源即今所聞始發羊膊嶺下緣崖散漫小大百數殆未濫觴矣東南下百餘里至白馬嶺而歷天彭闕亦謂之為天谷也秦昭王以李冰為蜀守冰見氐道縣有天彭山兩山相對其形如闕謂之天彭門亦曰天彭闕江水自此已上至微弱所謂發源濫觴者也漢延平中岷山崩壅江水三日不流

鄰注 氐道即湔氐道 蜀漢曰氐道晉改名升

遷今四川松潘衛治是也通典彭州導江縣西有天
彭關兩山相對如關州名取此導江即今灌縣西北
去松潘六百餘里非益
州記之所謂天彭關也

江水自天彭關東逕汶關而歷氏道縣北

水經

漢武帝分蜀郡北部置汶山郡以統之縣本秦置後
為升遷縣也益州記曰自白馬嶺回行二千餘里至
龍涸又八十里至西陵縣又南下六十里至石鏡又
六十餘里而至北部始百許步又西百二十餘里至
汶山故郡乃廣二百餘步又西南百八十里至濕坂

江稍大矣故其精則井絡纏曜江漢炳靈河圖括地
象曰岷山之精上為井絡帝以會昌神以建福故書
曰岷山導江泉流深遠盛為四瀆之首廣雅曰江貢
也風俗通曰出珍物可貢獻釋名曰江共也小水流
入其中所公共也東北百四十里崷山中江所出東
注於大江又東百五十里曰岨山北江所出東注於
大江江水又逕汶江道汶出徼外崷山西玉輪坂下
而南行又東逕其縣而東注於大江故蘇代告楚曰

蜀地之甲浮船於汶乘夏水而下江五日而至郢謂

是水也

酈注 升遷縣後魏時陷於吐谷渾周和元年改置龍洞郡嘉誠縣龍洞亦曰龍鶴華

陽國志云蜀時以汶山險要自汶江龍鶴冉驪白馬匡明皆置戍守元和志雪山在松州嘉誠縣東八十里春夏常有積雪日松嶺在縣西南十五里龍洞故城俗名防渾城在翼州衛山縣北十一里城之北境舊為吐谷渾所居故曰防渾竿橋在縣北三十七里架北江水元和志翼水縣北至翼州六十里石鏡山在縣東南九里大江水經縣西二百步汶江為蜀部北部都尉治故謂之北部漢元鼎六年以丹驪地置汶山郡治汶江縣地節三年郡廢縣屬蜀郡建安中先主定蜀復分置汶山郡治汶江縣今茂州是也其故城在州北三里晉移郡於滌虎縣界改汶江曰廣陽屬馬在今州南二百里故謂漢所置曰汶山故郡

即宣帝所廢為蜀郡北部也隋改廣陽曰汶山縣復置汶山郡元和志云有汶山即岷山去青城百里元和志濕坂在茂州汶川縣南一百三十七里嶺上樹木森沉嘗有水滴未嘗暫燥故曰濕坂汶水亦名玉輪江方輿勝覽云在汶川縣北三里玉壘山元和志云在汶川縣東北四里也縣北去茂州百里本漢縣

虎縣地今為保縣

又有湍水入焉水經

水出縣道亦曰綿虎縣之玉壘山呂忱云一曰半沅

水也下注江酈注地志蜀郡虎縣玉壘山湍水所出縣虎即今成都府汶川縣

又東別為沱水經

郭景純所謂玉壘作東別之標者也渡江有笮橋

注

又歷都安縣水經

李冰作大堰於此堰於江作崩崩有左右口謂之湔
崩江入郫江檢江以行舟益州記曰江至都安堰其
右檢其左流遂東郫江之右也因山頽水坐致竹木
以溉諸郡蜀人旱則藉以為溉雨則不遏其流故記
曰水旱從人不知饑饉沃野千里世號陸海謂之天
府也諸葛亮北征以此堰農本國之所資以征丁千

二百人主護之有堰官江水又逕臨邛縣縣有火井
鹽水昏夜之時光興上照又逕江鄉縣鄴江水出焉
又東北逕郫縣又東逕成都縣縣有二江雙流郡下
故揚子雲蜀都賦曰兩江珥其前者也風俗通曰秦
昭王使李冰為蜀守開成都兩江溉田萬頃兩江有
七橋直西門郫江沖里橋西南石牛門曰市橋吳漢
入蜀自廣都令輕騎先往焚之橋下謂之石犀淵李
冰昔作石犀五頭以厭水精穿石犀渠於南江命之

曰犀牛里後轉犀牛二頭在府中一頭在市橋一頭
沉之於淵也大城南門曰江橋橋南曰萬里橋西上
曰夸橋下曰荻橋南岸道東有文學始文翁為蜀守
立講堂作石室於南城後學堂火後守更增二石室
後州學奪郡學移夸里道西故錦官也言錦工織錦
則濯之江流而錦至鮮明濯以沱江則錦色弱矣遂
命之為錦里也江北則左對繁田文翁又穿蒲洩以
溉灌繁田一千七百頃又東絕綿洛逕五城界至廣

都北岸南入於江謂之五城水口斯為北江水又東

至南安為碧玉津故左思云東越玉津也

郿注 都安本漢縣

流郡江原三縣也蜀漢分置都安縣屬沱山郡唐改導江屬成都府明為灌縣都安故城在縣東都安堰

在縣西華陽國志曰李冰壅江作壩穿郡江檢江別支流雙過郡下以行舟船蓋以郡檢為二江檢江即

任豫之所謂流江也又有捷尾堰元和志云在導江縣西南二十五里李冰作之以防江決破竹為籠圓

徑三尺長十丈以石實中累而壅水臨邛縣漢屬蜀郡今邛州是江鄉今為崇慶州漢志江鄉縣郫水首

受江南至武陽入江武陽今眉州及新津仁壽井研三縣地故郫城元和志在縣北五十步成都故城即

今縣治蜀王開明故都也秦置成都縣舊有大城少城羅城羊馬城漢蜀郡有廣都縣其故城在今成都

縣東南新津縣東北繁
繁縣之田今為新繁也

又東南過犍為武陽縣青衣水沫水從西南來合而注

之水經

縣故大夜郎國漢武帝開道置以為縣有郪江入焉
出江鄉縣首受大江東南流至武陽縣注於江縣下
注上舊有大橋廣一里半謂之安漢橋水盛歲壞民
苦治功後太守李嚴鑿大杜山尋江通道此橋遂廢
縣有赤水下注江此縣藉江為大堰開六水門用灌

郡下北山江水又與文井江會李冰所導也文井水
又東逕江都縣縣濱文井江江上有長堤堤跨四十
里有朱亭又東至武陽縣天社山下入江江水自武
陽東至彭亡聚曰外水又東南逕南安縣西有熊耳
峽連山競險接嶺爭高有灘名壘坻亦曰鹽漑李冰
所平也縣治青衣江會衿帶二水矣即蜀王開明故
治也縣南有峨眉山有滌水即大渡水也水發滌溪
東南流與滌水合南至南安入大渡水大渡水又東

入江

鄺注為洪雅

捷為郡

有南安縣

今嘉定州

及夾江捷

已見前水經

青衣水

出青衣縣

西蒙山

東與沫水合

也至捷

為南安縣

入於江沫水

出廣柔徼

外東南過旄牛縣

北又東至越

出青衣縣

西蒙山

東與沫水合

也至捷

為南安縣

入於江沫水

出廣柔徼

外東南過旄牛縣

北又東至越

雋靈道縣

出蒙山

南東北

與青衣水合

東入於江

雋靈道縣

出蒙山

南東北

與青衣水合

東入於江

又東南過犍道縣北若水淹水合從西來注之又東注

水北流注

水經

注水疑誤

北

流注下當有之字

縣本犍人居之地理風俗記曰夷中最仁有人道故

字從人秦紀謂犍僮之富者也漢武帝感相如之言

使縣令南通犍道費功無成唐蒙南入斬之乃鑿石

開閣以通南中迄於建寧二千餘里山道廣丈餘深三四丈其鑿之跡猶存江中崖峻岨險不可穿鑿李水乃積薪燒之故其處懸巖猶有赤白玄黃五色焉

鄧注 樊道屬捷為部今為宜賓縣叙州府治水經若水出蜀郡旄牛徼外東南至故關為若水也南過越雋即都縣西直南至會無縣淹水東南流注之又東北至朱提縣西為廬江水又東北至樊道縣入於江淹水出越雋遂久縣徼外東南靖蛉縣又東過姑復縣南東入於若水

又與符里水合 水經

水出寧州南廣郡南廣縣縣故捷為之屬縣也導源

汾關山北流有大步水注之出南廣縣北流至符里

水又北逕樊道入江謂之南廣口

鄴注 故符縣在
今叙州府合江縣

西

又東過江陽縣南洛水從三危山東過廣魏洛縣南東

南注之水經

洛水出洛縣漳山南逕洛縣故城南廣漢郡治也又

南逕新都縣蜀有三都謂成都廣都此其一焉與縣

水合水西出縣竹縣又與湔水合亦謂之邶江也又

逕犍為牛鞞水又東逕資中縣又逕安漢縣謂之綿水也自上諸縣咸以溉灌故語曰綿洛為沒沃也綿水至江陽縣方山下入江謂之綿水口曰中江江陽

縣枕帶雙流據江洛會也

郾注 江陽屬犍為郡今叙州府富順縣及瀘州約

漢江安皆其地漢志廣漢郡雒縣章山雒水所出南至新都北入湔縣竹縣紫岩山雒水所出東至新都北入雒縣洛會湔以湔為主故雒虎縣下云湔水東南至江陽入江過郡三行千八百九十里郾注言湔水至廣都北岸入江蓋特其枝津相通耳正流則因合綿洛至江陽入江也湔水與郾江通波故曰綿洛與湔水合亦謂之郾江四川總志新都縣在成都府北六十五里本漢舊縣屬漢廣郡後置新都郡治雒

縣雖縣即今漢州資中即今資縣
內江地安漢縣在今富順縣界

逕安漢縣北水經

縣雖迫山川土地特美蠶魚鹽家有焉江陽郡治也

故健為岐江都尉建安十八年劉璋立

鄜注

東逕樊石灘又逕大附灘

水經

頻歷二險也

鄜注

又東過符縣北邪東南鰓部水從符闕東北注之水

漢經

志有邪
龍縣

縣故巴夷之地漢武帝建初六年以唐蒙為中郎將從萬人出巴符關者也其鯨部之水所未聞矣或是

水之殊目非所究也

鄜注 故符縣在今
鄜州府合江縣西

又東北至巴郡江州縣東強水涪水漢水白水宕渠水

五水合南流注之

水經

強水即羌水也宕渠水即潛水渝水矣巴水出晉昌

郡宣漢縣巴嶺山西南流歷巴中逕巴郡故城南西

南入江庾仲邕所謂江州縣對二水口右則涪內水

左則蜀外水即是水也江州縣故巴子之都也秦置巴郡漢初平元年分巴為三郡於江州則永寧郡治

也

鄺注

江州即今巴縣江津綦江二縣亦其地水經羌水出羌中參谷又東南至廣魏白水縣與漢

水合又東南過巴郡閬中縣又南至墊江縣東南入於江涪水出廣魏涪縣西北南至小廣魏與梓潼合梓潼水出其縣北界西南入於涪又西南至小廣魏縣南入於墊江墊江今合州也漢水即嘉陵水巴水一名北水其下流為宕渠水水經潛水出巴郡宕渠縣注潛水蓋漢水支分潛出故受其稱劉澄之稱白水入潛然白水與羌水合入漢是猶漢水也縣以延熙中分巴立宕渠郡蓋古賓國也今有賓城縣有渝水夾水上下皆賓民所居又水經白水出朝陽縣西注云蓋邑郭渝移川渠狀改故名舊傳遺稱在今也

又東至枳縣西延江從牂牁郡北流西屈注之水經

東逕陽關巴子梁江之兩岸猶有梁處巴之三關斯
為一也江水又東右逕黃葛峽又左逕明月峽東至
梨鄉歷雞鳴峽江之南岸有枳縣治華陽記曰枳縣
在江州巴郡東四百里治涪陵水會庾仲邕所謂有
別江出武陵者也水乃延江之枝津分水北注逕涪
陵入江故亦云涪陵水也江水又東逕涪陵故郡北
又東逕漢平二百餘里左自涪陵東出百餘里而屈

於積石東為桐柱灘

鄴注 陽關在今巴縣東漢枳縣屬巴郡今重慶之涪州及長

壽鄴都二縣是也水經延江水出犍為南廣縣又東至牂

牂牁縣東北流至巴郡涪陵縣注更始水又東南至武陵西陽縣入於酉水酉水東南至沅陵縣入於

沅水
見後

又逕東望峽東歷平都

水經

峽對豐民洲舊巴子別都也華陽記曰巴子雖都江

平州又治平都即此處

鄴注 後漢析枳縣地置平都縣今重慶府鄴都是也

又逕虎鬚灘

水經

灘水廣大夏斷行旅

鄴注 今忠州西二里有石梁
亘三十餘丈橫截江中俗呼倒

嶺灘
即此

又東逕臨江縣南

水經

華陽記曰縣在枳東四百里東接胸忍縣

鄴注 臨江屬巴漢

郡今為忠州及墊江縣胸忍漢縣屬巴郡胸音勿
今夔州府雲陽萬縣開縣梁山也忍漢書作腮

又東得黃華水口

水經

江浦也

鄴注

左逕石城南

水經

庾仲邕曰臨江至石城黃華口一百里

酈注

又東至平洲

水經

洲上多居民

酈注

又東逕壤塗而歷和灘又東逕界壇

水經

是地已東之西界益州之東境故得是名

酈注

又東右得將龜谿口

水經

華陽記曰朐忍縣出靈龜自此谿也

酈注

又東會南北集渠

水經

二谿水涪陵縣界謂之于陽谿谿水北流注於江謂之南集渠口亦曰于陽谿口又南一百里入胸忍縣南入於江謂之北集渠口別名班口又曰分水口

鄜注

又右選池谿口

水經

蓋江汜決入也

鄜注

又東選石龍

水經

水至於博陽二村之間有盤石廣四百丈長六里而

復殆於岨塞江川夏沒冬出基亘通者

鄜注

又東逕羊腸虎臂灘水經

楊亮為益州至此舟覆懲其波瀾蜀人至今猶名之

曰使君灘酈注

又東彭水注之水經

水出巴渠羣獠中東南流逕漢豐縣東而西注彭谿
謂之清水口彭谿又入逕胸忍縣西六十里南流至

於江謂之彭谿口

酈注 漢豐縣即今夔州府開縣胸忍見前

又東右逕胸忍縣故城南水經

常璩曰縣在巴東郡西二百九十里縣治故城跨其

山坂南臨大江江南岸有方山枕側江濱

酈注

又東逕瞿巫灘

水經

即下瞿灘也又謂之博望灘左則湯谿水注之水源

出縣六百餘里上庸界南流歷其縣翼帶鹽井一百

所巴川資以自給粒大者方寸中央隆起形如張傘

故因名之曰傘子鹽有不成者形亦必方異於常鹽

矣湯谿下與檀谿水合上承巴渠水巴渠南歷檀井

谿之檀井水下入湯水湯水又南入於江名曰湯口

鄴注

又逕東陽灘水經

常璩曰水道有東陽下瞿數灘山有大小石城靈壽

木及橘圃也鄴注

又逕魚復縣之故陵又東為落牛灘逕故陵北水經

江側有六大墳庾仲邕曰楚都丹陽所葬亦猶積之

巴陵矣故以故陵為名

鄴注 魚復漢縣屬巴郡今為奉節縣故陵在縣西接雲

陽縣界北三里有赤甲城即故城也

又右逕夜清而東歷朝陽道口又東左逕新市里南

水經

常璩曰巴舊立市於江上今新市里是也

鄴注

又東右合陽元水口水經

水口出陽縣西南高陽山東東北流逕具縣南丙水

注之水發縣東南柏枝山山下有丙穴穴中有嘉魚

亦襄漢丙穴之類也其水北流入高陽谿谿水又東

北流注於江謂之陽元水口

鄴注 陽縣在
今奉節縣界

又東逕南鄉峽東逕永安宮南

水經

昭烈終諸葛亮受遺處其間平地可二十許里江山

迴闊入峽所無

酈注 永安宮城
即今奉節縣治

又東逕諸葛亮圖壘南

水經

石磧平曠望兼川陸有亮所造八陣圖東跨故里皆

累細石為之自壘西去聚石八行行間相去二丈因

曰八陣既成自今行師庶不覆敗皆圖兵勢行藏之

權自後深識者所不能了

酈注 今奉節縣
南有八陣圖磧

又東南逕赤岬西水經

是公孫述所造因山據勢周迴七里一百四十步東高二百丈西北高一千丈南連基白帝山甚高大不生樹木其土悉赤上人云如人袒胛故謂之赤岬山

酈注赤岬一作赤甲在秦節縣東十五里

又東逕魚復縣故城南水經

故魚國也地理志江關都尉治公孫述名之為白帝章武二年蜀漢改白帝為永安巴東郡治也白帝城

周迴二百八十步北緣馬嶺接赤岬山西南臨大江
關之眩目江中有孤石為淫預石冬出水二十餘丈
夏則沒亦有裁出矣縣有夷谿即狼山清江也經所

謂夷水出焉

鄴注 白帝山在縣東元和志
云即州城所據與赤岬山相接

行水金鑑卷七十四

欽定四庫全書

行水金鑑卷七十五

江南按察使傅澤洪撰

江水

又東逕廣谿峽

水經

斯乃三峽之首也其間三十里頽巖倚木厥勢殆交
北岸山上有神淵淵北有白鹽崖高可千餘丈俯臨
神淵土人見其高白因名之天旱燃木岸上推其灰

燼下穢淵中尋則降雨峽中有瞿塘黃龍二灘夏水

迴復沿泝所忌蓋自昔禹鑿以通江郭景純所謂巴

東之峽夏后疏鑿者又東出江關入南郡界

鄭注
白鹽山

在奉節縣東隔江十里又東有黃龍灘虎鬚灘後漢
岑彭傳注江關舊在赤甲城後移在江南岸對白帝

城在今魚
復縣南

自關東逕弱關捍關水經

捍關廩君浮夷水所置也弱關在建平秭歸界昔巴

楚數相攻伐藉險置關以相防捍秦兼天下置立南

郡自巫山皆具城也又東過巫縣南鹽水從縣東南

流注之

酈注 捍關在今長陽縣南梓歸今歸州是也

又東烏飛水注之

水經

水在天門郡淩中縣界北流逕巫縣南西北歷山道

三百七十里注於江謂之烏飛口

酈注

又東逕巫縣故城南

水經

縣故楚之巫郡也秦省郡立縣以隸南郡吳孫休分建平郡治巫城城緣山為墉南臨大江故謂之夔國

鄜注 巫縣故城在今夔州府巫山縣東北
寰宇記云晉移今治在夔州東南七十二里

又東巫溪水注之 水經

溪水導源梁州晉興郡之宣漢縣東又南逕建平郡
秦昌縣又逕北井縣西有鹽井井在縣北故縣名北
井建平一郡之所資也鹽水下通巫溪溪水是兼鹽
水之稱矣鹽水又南屈逕巫縣東有聖泉下注谿水

谿水又南入於大江 鄜注

又東逕巫峽 水經

杜宇所鑿以通江水也郭仲產云按地理志巫山在

縣西南而今縣東有巫山將郡縣居治無恒故也

法

四川總志巫峽在巫治東三十里即巫山也與西陵峽歸峽並稱三峽連山七百里畧無斷處有十二

峯曰望霞翠屏朝雲松密集仙聚鶴淨壇上昇起雲飛鳳登龍聖泉沿峽首尾一百六十里

歷峽東逕新崩灘水經

此山漢永元十三年崩晉太元二年又崩當崩之日

水逆流百餘里湧起數十丈今灘上有石或圓如篔

或方如屋若此者甚衆皆崩崖所隕致怒湍流故謂

之新崩灘其頽巖所餘比之諸嶺尚為竦桀其下十
餘里有大巫山非唯三峽所無乃當抗峯岷峨偕嶺
衡疑其翼附羣山並槩青雲更就霄漢首尾一百六
十里謂之巫峽自三峽七百里中兩岸連山畧無闕
處重巖疊障隱天蔽日自非停午夜分不見曦月至
于夏水襄陵沿沔阻絕王命急宣有時朝發白帝暮
到江陵其間千二百里雖乘奔御風不以疾也春冬
之時則素湍綠潭迴清倒影絕巖多生檉柏懸泉瀑

布飛漱其間清榮峻茂良多趣味每至晴初霜旦林
寒澗肅常有高猿長嘯屢引淒異空谷傳響哀轉久
絕故漁者歌曰巴東三峽巫峽長猿鳴三聲淚沾裳

酈注

又東逕石門灘水經

灘北岸有山山上合下開洞達東西緣江步路所由
昭烈為陸遜所破是逕此門遂發憤而薨矣

酈注
今湖廣

荆州府巴東縣
東北有石門山

又東過秭歸縣南水經

縣故歸鄉地理志曰歸子國也袁崧曰屈原有賢姊
聞原放逐亦來歸喻令自寬全鄉人冀其見從因名
曰秭歸即離騷所謂女嬃嬋媛以詈余也縣東北數
十里有屈原舊田宅雖畦堰靡漫猶保屈田之稱也

縣北一百六十里有屈原故宅

鄴注 今荊州府歸
州治即秭歸故城

又東逕城北水經

其城憑嶺作固夾溪臨谷據山枕江北對丹陽城南

枕大江嶮峭壁立信天固也楚子熊繹始封丹陽之

所都

鄴注今歸州
東有丹陽城

又東南逕夔城南水經

跨據川阜西北皆枕深谷東帶鄉谿南側大江熊摯

始治巫城後疾移此蓋夔徙也春秋左傳僖公二十

六年楚令尹子玉城夔者也服虔曰在巫之陽秭歸

歸鄉矣

鄴注今歸州
東南有夔城

又東逕歸鄉縣故城北水經

表崧曰父老傳言原既流放忽然暫歸鄉人喜悅因

名歸鄉

鄴注 今歸州東南
大江南岸有故城

又東逕信陵縣南

水經

臨大江東傍深溪溪源北發梁州上庸縣界南流逕

縣下而注大江

鄴注 今歸州
東有信陵廢縣

又東過夷陵縣南

水經

江水自建平至空冷峽即宜都建平二郡界也

鄴注
夷

陵漢南郡都尉治空冷
峽在歸州東南三十里

歷峽東逕宜昌縣之埭竈下

水經

江之左岸絕岸壁立數百丈飛鳥所不能棲有一火

爐埭在崖間父老傳言昔洪水時人薄舟崖側以餘

燼埭之巖側至今猶存

鄴注 洽聞記云空冷峽絕壁有一火爐長數尺名曰抽

竈相傳堯時洪水行者泊舟崖側炊爨以餘燼插之鄭常蓋亦據此注耳 記稱鄭常據此注鄭不知是

何人也

又東流頭灘

水經

其水並峻激奔暴魚鼈所不能游行者常苦之其歌

曰灘頭白勃堅相持條忽淪沒別無期表崧曰自蜀

至此五千餘里下水五日上水百日也

灘注
在今夷陵

州界

又東逕宜昌縣北

水經

分夷道狼山所立也縣治江之南岸北枕大江與夷

陵對界

鄴注
今夷陵州
西有宜昌故城

又東逕狼尾灘而歷人灘

水經

表崧曰二灘相去二里人灘水至峻峭南岸有青石

夏沒冬出其石巖峯數十步中悉作人面形或大或

小其分明者鬚髮皆具因名人灘也

酈注

又東逕黃牛山

水經

下有灘名曰黃牛灘南岸重嶺疊起最外高崖間有石如人負刀牽牛人黑牛黃成就分明此巖既高加江湍紆迴雖逖逕信宿猶望見此物故行者謠曰朝發黃牛暮宿黃牛言水路行深迴望如一矣

酈注
黃牛山

在桑陵
州西

又東逕西陵峽 水經

宜都記曰自黃牛灘東入西陵界至峽口一百許里
山水紆曲而兩岸高山重障非日中夜半不見日月
絕壁或千許丈其石彩色形容多所像類林木高茂
略盡冬春猿鳴至清山谷傳響泠泠不絕所謂三峽
此其一也崧言峽中疊嶂秀峯竒構異形固難以詞
敘林木蕭森離離蔚蔚乃在霞氣之表仰矚俯映彌
習彌佳流連信宿不覺忘返目所履歷未嘗有也既

自欣得此奇觀山水有靈亦當驚知已於千古矣

鄺注

西陵峽在夷陵
州西北二十里

歷禹斷江水經

南峽北有北谷村兩山間有水清深潭而不流者舊
傳言昔是大江及禹治水此江小不足瀉水禹更開
今峽口水勢并衝此江遂絕於今謂之斷江也

鄺注
夷

陵州西南
有斷江山

出峽東南流逕故城洲水經

洲附北岸上有步闡故城方圓稱洲周迴畧滿吳西

陵督步騭所築也

鄴注今為夷陵州治

又東逕故城北

水經

所謂陸抗城也城即山為墉四面大險江南岸有山孤秀從江中仰望壁立峻絕表崧為郡嘗登之矚望

焉

鄴注故城在夷陵州東南大江南岸

又東逕白鹿巖又東歷荆門虎牙之間

水經

荆門在南上合下開閭徹山南有門像虎牙在北石

壁色紅間有白文類牙形並以物象受名此二山楚

之西塞也水勢急峻故郭景純江賦曰虎牙桀豎以

屹峯荆門闔竦而盤薄圖淵九迴以懸騰溢流雷响

而電激者也

酈注 夷陵新志云虎牙山在州東南五十里磯石大小踔踞隱見正如虎牙

戟列舟人望而避之乃出荆門而上是虎牙更險於荆門也

又東南過夷道縣北夷水從佷山縣南東北注之水經

漢武帝伐西南夷路由此出故曰夷道

酈注 夷道縣故城在今

宜都縣西佷山故城在今長楊縣西夷水篇云夷水出巴郡魚復縣東南過佷山縣南又東過夷道縣北

東入於江夷水首出魚復江尾入宜都江行五百餘里是亦荊州之沱也古時自巴入楚避三峽之險皆

由此路

禹岷山尊江東別為沱之所經以今輿地言之江水

出四川松潘衛徼外岷山流逕衛北

衛本禹貢梁州之域後為氐羌

地漢置前氏道屬蜀郡唐為嘉誠縣松州治明置松潘衛屬四川都司在成都城西北七百六十里又

東南逕壘溪營西

營在茂州西北一百二十里奉漢屬郡蠶陵縣唐為翼州元和志大

江經翼州城西又逕翼水縣西二百步今廢翼州在營西翼水廢縣在營南

又東南逕茂

州西

茂州在成都府西北四百十五里本漢汶江縣後周改汶山縣唐為茂州治元和志汶江北自

翼州流逕汶山縣西二里又西南逕威州西玉輪江注之威州在府西北

四百五十里本漢廣柔縣唐為薛城縣維州治其故城在今州北高碕山上亦曰姜維城州西北有滴博

嶺玉輪江又西南逕保縣西保縣在茂州西南四十里本漢緜虎縣後周為

汶川縣江源記岷江南入溢村逕石紐至汶川轉銀嶺合草坡河至蠶崖入灌口括地志石紐山在汶川

縣西七里又東南逕灌縣西沱水出焉灌縣在成都府西少北一百五

十二里唐為導江縣元和志大江自茂州界流入逕青城縣北二里寰宇記大旱江自灌口流逕青城

縣北入溫江縣界青城廢縣在今灌縣西南玉壘山在縣西北離堆在縣西南或曰即灌口山宋河渠志

阜江支流迤迤北曰都江口置大堰疏北流為三東曰外應口溉導江新繁新都達於金堂東北曰三石洞

口溉導江崇寧九隴濛陽達於漢之洛東南曰馬騎
口溉導江崇寧郡温江成都華陽灌縣舊志大江經
縣西三十三里分為二派其一東南經崇慶州至新
津者今謂之南江其一東循灌城者今謂之北江北
江又分為三派其一東南逕温江過府城南入新津
合大江者為流江其一自縣寶瓶口直東入五斗口
東北經郫新繁過府城北折而南合流江者謂之郫
江其一自寶瓶口東北穿三泊洞入東北經新繁新
都至漢州入雒者為蒲水參考諸說大阜江即郫水
寶岷江之正流有元和寰宇九域等書可証郫江即
禹貢梁州之沱流江乃李冰所穿與郫江為二江者
郫江號北江唯東合蒲洛又東南至江陽入江者為
禹貢之江沱餘皆後人所穿鑿或以郫江
創自李冰且指流江為岷江之正道大誤

江水又東

南逕温江縣西崇慶州東

温江在府西少南五十里
本漢郫江原二縣地元和

志大江俗謂之溫江南流經縣西一里寰宇記鄰江
一名阜里水自青城縣南流經溫江縣入江源縣界

成都新志云大阜江本岷江正流自離堆鑿後乃以
流江為正流而以此為南江崇慶州在府西南九十

里本漢 **又東南逕新津縣東北** 流江注之新津在崇
慶州東南七十里本

漢武陽 **又東南逕眉州東** 眉州本漢武陽縣元和志
大江亦名導江在彭山縣

東七里 又經通義青神二縣東皆去縣三里今州北
有武陽故城隋改武陽曰通義唐為眉州治彭山故

城在州北青神故城在州 **又南逕嘉定州東** 嘉定本
南本朝康熙六年併入

縣地後周分置平羌縣隋改曰青衣又改曰龍游為
嘉州治寰宇記導江水在平羌縣西二十步又云大

江自平羌流入龍游縣界平羌 **又東南逕犍為縣北**
即今峨眉縣在州西六十里

犍為在州東南一百二十里亦漢南安縣地寰宇記
導江水在玉津縣西五里又在犍為縣東二十步玉

津唐屬嘉州其
廢址在今縣北
又東南逕宜賓縣東北合馬湖江宜賓

為敘州府治本漢犍道縣犍為郡治元和志汶江流
逕犍道縣東北去縣十步馬湖成在縣西二十一里

按馬湖江在縣南門外即若水下流亦曰瀘水自馬
湖戍東北流入至城西南一里為蠻津口又東合於

大江又東南逕南溪縣南南溪在府東南一百二
十里本漢犍道縣地又東

逕江安縣北江安在瀘州西南
本漢江陽縣地又東逕納溪縣北納溪

在州西南四十里
亦漢江陽縣地
又東北逕瀘州東南沱水合前雒

諸水從西北來注之瀘州本漢江陽縣今州治即其
故城隋改縣曰瀘川唐為瀘州

治華陽國志江陽江中有大關小關季春黃龍堆沒
關即平元和志汶江水經瀘川縣南三十步寰宇記

謂之瀘江按雒江在州北亦曰湔水亦曰緜水互受
通稱漢志云湔水出玉壘山東南至江陽入江水經

注云雒水與緜水合又與湔水
合亦謂之郫江郫江即沱水也 沱水自灌縣西南首

受大江東逕郫縣北

郫縣在成都府西四十五里漢
志蜀郡郫縣禹貢江沱在東

入大江元和志郫江一名成
都江經郫縣北三十一里

又東逕新繁縣南

新繁
在府

西北五十六里奉漢繁縣括地志縣有繁江首受郫
江即禹貢江沱也元和志郫江在新繁縣南十一里

九域志新繁有都
江即成都江也

又東逕成都縣北

漢舊縣蜀郡治
今為四川成都

府治括地志郫江一名成都江一名市橋江一名
永平江亦曰中江亦曰內江西北自新繁界來 又

東逕新都縣南

新都在府北五十里漢舊縣

又東逕金堂縣南

金堂

在府東北七十里本漢新都牛鞞二縣地郫江至縣東南合湔水亦曰五城水酈道元云湔水東絕緜維

逕五城界至廣都北岸南入於江謂之五城水口此涪水枝津自五城縣界西合湔郫又西至成都城東

南入流

又東南逕簡州北

簡州在府東一百五十里本漢牛鞞縣

又東

南逕資陽縣西

資陽在州東南六十里本漢資中縣地

又南逕資縣西

資縣在府東三百里本漢資中縣

又南逕富順縣東

富順在欽州府東北一百八十里

里本漢

江又東南逕瀘州北又東南與江水會

酈道元云

餘水至江陽縣方山下入江謂之緜水口蓋自五江城以下湔郫縣洛互受通稱緜水口即沱水口

江

水又東逕合江縣北

合江在瀘州東一百二十里本漢符縣

又東北逕

江津縣北

江津在重慶府南一百八十里本漢江州縣地

又東北逕巴縣東

南西漢羌白涪巴渝諸水自北來注之

巴縣為重慶府治本漢江

州縣後周改曰巴縣唐為渝州治按自渝上合州者謂之內江庾仲邕所云涪內水是也自渝或瀘上蜀者謂之外江庾仲邕所云蜀外水是也

又東北逕長壽縣南

長壽在府東三百三

十里本巴縣地

又東逕涪州北涪陵江水自南來注之

涪州

在府東四百五十里本漢枳縣隋改置涪陵縣唐為涪州治大江在州北方輿勝覽謂之蜀江自成都登舟十二程至此合

又東北逕鄧都縣南

鄧都在忠州西二百里本

漢枳縣地

又東北逕忠州南

忠州在府東一千
里本漢臨江縣

又東北逕

萬縣南

萬縣在夔州府西四百
五十里本漢朐忍縣

又東北逕雲陽縣南

雲陽在府西一百七十里本漢朐忍縣後周
改曰雲安寰宇記蜀江在雲安縣南三十步

又東逕

奉節縣南夷水故道出焉

奉節夔州府治本漢魚復
縣唐改曰奉節瞿塘峽在

縣東即古廣谿峽也寰宇記云灩澦堆周圍二十丈
在夔州西南二百步蜀江中心瞿塘峽口冬水淺屹

然露百餘丈夏水漲沒數十丈亦曰猶豫言舟子取
途不決水脈也范成大吳船錄云峽中兩岸高巖峻

壁斧鑿之痕皴皴然有黑石灘
最號險惡按夷水一名清江

又東逕巫山縣南

巫山

在府東一百三十里本漢巫縣巫峽在縣東四十里
吳船錄云自巫縣下巫峽灘瀧稠險湍流洄洑其危

又過夔峽三十五里至
神女廟廟前灘尤洶怒
又東逕巴東縣北巴東在湖廣歸州西

九十里本漢巫縣
地梁為歸鄉縣
又東逕歸州南歸州在荊州府西五百二十五里本

漢種
歸縣
又東逕夷陵州南夷陵在荊州府西少南
又東

逕宜都縣北與夷水合宜都在州東南九十里本漢夷道縣
夷水本首

受奉節縣之大江今建始縣北建始在夔州府東南本漢巫縣地晉分置

建始縣屬建平郡唐屬施州縣南至州一百三十里夷水故道自巫山縣南流入縣界
其故道

皆已湮塞唯從縣南受施州衛開蠻界水東逕巴東

長陽長陽在夷陵州西南八十里本漢猥山縣屬武陵郡隋更名長楊唐改楊為陽其故城即今治

縣南七十里廢巴山縣即古捍關

至宜都縣北又東入于江經所謂

東別為沱者禹所導一為梁州之沱今郟江是一

為荊州之沱古夷水是也

禹貢雒指

又東至于澧過九江至于東陵

禹貢澧音禮史記漢書俱作醴

澧水名東陵地名

孔氏傳水經澧水篇澧水出武陵充縣西歷山東過其縣南又東

過零陽縣之北入東過作唐縣北又東至長沙下萬縣西北東入於江充縣即今九谿永寧二衛屬湖廣

岳州府

九江之水禹前先有其處禹今導江過歷九江之處

非是別有九江之水

孔氏疏

九江即荊州所謂九江孔殷是也此九江發源山澤
分支別派以入於江而江則過之也江水既過九江
又至於東陵也

尚書全解

東陵巴陵今岳州巴陵縣也地志在廬江西北者非

是

書經集注

孔傳云江於此州分為九道正義曰傳以江是此水
大名謂大江分而為九猶大河分為九河也潯陽記

有九江之名雖名起近代義或當然陸氏釋文曰九江尋陽地記云一曰烏白江二曰蟒江三曰烏江四曰嘉靡江五曰畎江六曰源江七曰廩江八曰提江九曰箇江張須元緣江圖云一曰三里江二曰五州江三曰嘉靡江四曰烏土江五曰白蚌江六曰白烏江七曰箇江八曰沙堤江九曰廩江參差隨水長短或百里或五十里始於鄂陵終於江口會於桑落州太康地記曰九江劉歆以為湖漢九水入彭蠡澤也

湖漢水東至彭澤入江入鄱陽縣有鄱水餘汗縣有餘水艾縣有修水南城縣有盱水建城縣有蜀水宜春縣有南水南壘縣有彭水又長沙國安成縣有盧水皆入湖漢水

渭按秦始皇滅楚

以其都壽春置九江郡太史公曰余南登廬山觀禹疏九江淮南子曰禹鑿江而通九路地里志廬江尋陽縣下云禹貢九江在南皆東合為大江王莽改豫章曰九江郡柴桑縣曰九江亭應劭曰江自尋陽分為九郭璞江賦曰流九派乎尋陽自西漢以迄東晉皆言大江至尋陽分為九江禹之所疏鑿而尋陽記

緣江圖又備列其名元和志云江州尋陽郡禹貢揚
荆二州之境揚州云彭蠡既潻今州南五十二里彭
蠡湖是也荊州云九江孔殷今州西北二十五里九
江是也彭蠡以東為揚州界九江以西為荊州界此
亦遵舊說九江孔鄭異義而不言其處所諸家皆謂
在潯陽其以洞庭為九江者自宋初胡旦始而晁以
道曾彥和皆從之朱子九江辨曰九江若曰派別為
九則江流上下洲渚不一今所計以為九者若必首

尾短長均布如一則橫斷一節縱別為九一水之間
當有一洲九江之間沙水相間乃為十有七道於地
將無所容若曰參差取之不必齊一則又不知斷自
何許而數其九也況洲渚出沒其勢不常江陵先有
九十九洲後乃復生一洲是豈可以為地理之定名
乎此不可通之妄說也若曰旁計橫入小江之數則
自岷山以東入於海處不知其當為幾千百江矣此
又不可通之妄說也且經文言九江孔殷正以見其

吐吞壯盛浩無津涯之勢決非尋常分派小江之可
當又繼此而後及夫沱潛雲夢則又見其決非今日
江州甚遠之下流此又可以證前二說者為不可通
之妄說也九江即洞庭既有山水二經為根據而又
得朱子此辨其不在潯陽亦明矣 魯氏說九江一

曰沅

出牂牁且蘭縣東
北注洞庭湖入江

二曰漸

一名澹水出武
陵索縣東入沅

三曰

無

出牂牁且蘭縣東南入沅按說文無本
古辭字故無水或加水作漚又作舞

四曰辰

出武

辰陽縣
東入沅

五曰欽

一作序出武
陵縣西北入沅

六曰酉

出武陵
充縣東

沅南入七曰湘出零陵始安縣東北入沅八曰資一作澧出零陵都梁縣東北入沅

九曰澧出武陵沅縣東北注洞庭湖入江朱子考定九江去無澧二

水而易以瀟蒸一曰瀟江亦名營水出營陽冷道縣留山北流注湘水二

曰湘江三曰蒸江漢志作承後漢作烝出邵陵縣界至陵承縣北東注於湘四曰

澧江五曰沅江六曰漸江七曰叙江八曰辰江九曰

酉江按朱子據導江文江先合澧而後過九江故不

數澧然澧實會南江以東注洞庭非上流自入江也

安得而不數無字誤作元朱子以為亡是水故置之

古無瀟水酈道元云瀟者水清深也湘中記曰湘川
清照五六丈下見底石如桴蒲是納瀟湘之名矣然
則瀟湘猶言清湘非別有瀟源隋唐以後始謂瀟水
出九疑山北合湘水是曰瀟湘耳武陵零陵長沙之
水皆入沅湘如蒸水者頗多金吉甫云郴水亦入湘
舊不列九江未知與漸叙二水大小若何然則朱子
所更定亦未有以見其為必然也善乎林少穎之言
曰九江之名與其地勢久遠不可強通然各自別源

而下流入江則可以意曉也斯真通人之見傅同叔云九江不必求其有九如太湖一湖而得名五湖昭餘祁一澤而得名九澤皆不可以數求也此說本程泰之恐又不然當時必實有九水會同故以為名但水道通塞離合古今不常自戰國時唯知有湘沅資微澧而名之五渚矣况後世乎與其出入彼不若闕疑之為得耳

禹貢錐指

江水

自夷道縣北

又東逕上明城北

水經

江水

自夷道縣北合夷水

又東過枝江縣南沮水從北來注之

晉太元中苻堅寇荊州刺史桓沖徙渡江南使劉波築之移州治城也其地夷敞北據大江江沱枝分東入大江縣治洲上故以枝江為稱地理志曰江沱出西南東入江是也盛弘之曰縣舊治沮中後移出百里洲西去郡一百六十里縣左右有數十洲槃布江中其百里洲最為大也其中桑田甘果映江依洲自縣西至上明東及江津有九十九洲

麴注上明城在今松滋縣界

今枝江縣東有枝江故城百里洲在縣東北六十里
寰宇記引荊州圖曰百里洲其上寬廣土沃人豐洲
首派別南為外江北為內江嘉靖初為江水衝斷今
為上百里洲下百里洲沮水篇沮水出漢中房陵縣
東南流經沮陽縣東南又東南逕汶陽郡北又東南
逕當陽縣北又南逕麥城西入東南過枝江縣東南
入於江

又東會沮口水經

楚昭所謂江漢沮漳楚之望也

酈注

又南過江陵縣南

水經

縣江有洲號曰枚回洲江水自此兩分而為南北江

也

鄭注 枚回洲在江陵縣西南六十里

又東逕鷺尾洲

水經

北合靈溪水水無泉源上承散水合成大溪南流注

江脚注

東得馬牧口

水經

江水斷洲通會

鄭注

又東逕江陵縣故城南

水經

故楚也今城楚船官地也春秋之渚宮矣秦置南郡

漢景帝改為江陵縣北對大岸謂之江津口故洲亦取名焉江大自此始也家語曰江水至江津非方舟避風不可涉也故郭景純云濟江津以起漲言其深

廣也

酈注江陵故城即今荊州府治江自枚回洲分流至此復合勢益大

又東逕郢城南

水經

地理志曰楚別邑故郢矣

酈注今江陵縣東北三里有郢城

又東得豫章口

水經

夏水所通也西北有豫章岡蓋因岡而得名矣

酈注

又東至華容縣西夏水出焉

水經

江水左迤為中夏水右則中郎浦出焉江浦右迤南

派曲而極水曲之地勢世謂之江曲者也

酈注漢志南郡華

容縣夏水首受江東入沔行五百里華容故城在今

監利縣界水經夏水出江流於江陵縣東南注之江

津豫章口東有中夏口是夏水之首江之汜也屈原

所謂過夏首而西浮顧龍門而不見也龍門即郢城

之東門也

又東南當華容縣南涌水出焉又東涌水注之

水經

水自夏水南通于江謂之涌口春秋所謂閻敖游涌

而逸于二水之間者也

酈注 涌水在
今益利縣南

又逕南平郡孱陵縣之樂鄉城北又東南油水從東南

來注之又東右合油口

水經 樂鄉城
在今松滋縣東

又東逕公安縣北左會高口水經

江浦也對黃州

酈注 今公安縣東北
五十五里有公安故城

又東得故市口水經

水與高水通也 酈注

又右逕楊岐山北水經

山枕大江山東有城故華容縣尉舊治

酈注

又東左合子夏口水經

江水左迤北出通於夏水故曰子夏口也

酈注

又東左得侯臺口水經

江浦也

酈注

右得龍穴水口水經

江浦右迤也北對虎洲又洲北有龍巢地名也昔禹

南濟江黃龍夾舟舟人五色無主禹笑曰吾受命于

天竭力養民生死命也何憂龍哉于是二龍弭鱗掉

尾而去故水地取名矣

酈注

自龍巢而東俞口

水經

夏水泛盛則有冬無之江水北岸上有小城故監利

縣尉治也

酈注

又東得清揚土塢二口

水經

江浦也

酈注

右逕石首山北又東逕赭要

水經

赭要洲名在大江中

鄺注

石首山

在今石首縣西北孫宗鑑曰自竟陵南至大江

並無北陵之阻渡江至石首始有淺山石首者石自此而首也

左得飯筐上口水經


秋夏水通下口間相距三十餘里赭要下即楊子洲在大江中二洲之間常苦蛟害昔荆攸飛濟此遇兩蛟斬之自後罕有所患矣江之右岸則溝水口口上即錢官也水自牛皮山東北通江北對清水洲洲下接生江洲南即生江口水南通澧浦江水右會飯筐

上口江浦所入也 鄴注

又右得上檀浦水經

江澁也

鄴注 澁音詐水名說
大水在漢南荊州浸



行水金鑑卷七十五